

**UCAPAN MUKADIMAH ANGGARAN BELANJAWAN
KEMENTERIAN KEWANGAN DAN EKONOMI
DAN JABATAN-JABATAN DIDALAMNYA
BAGI TAHUN KEWANGAN 2020/2021**

Terima kasih Yang Berhormat Pengerusi.

Bismillah Hirrahman Nirrahim.

Assalamualaikum Warahmatullahi Wabarakatuh dan Salam Sejahtera.

Yang Berhormat Pengerusi dan ahli-ahli Yang Berhormat,

1. Peruntukan Kementerian Kewangan dan Ekonomi serta Jabatan-Jabatan dibawahnya bagi Tahun Kewangan 2020/2021 secara keseluruhannya adalah berjumlah **Lapan ratus lima puluh tiga juta, empat belas ribu, tiga ratus lima belas ringgit** (\$853,014,315).
2. Peruntukan ini adalah untuk membiayai:
 - 2.1. **Pertama, Gaji Kakitangan** sebanyak **Enam puluh lima juta, sembilan ratus empat puluh sembilan ribu, enam ratus sembilan belas ringgit** (\$65,949,619), iaitu peningkatan sebanyak kira-kira \$2.95 juta dengan mengambilkira penyerapan 87 jawatan di bawah portfolio Perindustrian di Kementerian Tenaga (Tenaga dan Tenaga Manusia) dan Perindustrian pada ketika itu ke Kementerian ini mulai 19 November 2019;
 - 2.2. Kedua, **Perbelanjaan Berulang-Ulang** berjumlah **Enam ratus sembilan puluh tujuh juta, enam ratus tujuh puluh lapan ribu, enam ratus dua puluh enam ringgit** (\$697,678,626), iaitu berkurang sebanyak kira-kira tiga puluh satu point lima juta ringgit (\$31,502,141) daripada peruntukan Tahun Kewangan 2019/2020 [\$729,180,767]. Dari jumlah tersebut, sebanyak 78.7 peratus, iaitu kira-kira Lima ratus empat puluh sembilan juta tiga ratus dua puluh tujuh ribu seratus dua puluh sembilan ringgit (\$549,327,129) adalah diperuntukkan di bawah Perkhidmatan Rampaian iaitu untuk keperluan gunasama setiap Kementerian yang memerlukan, antarlainnya seperti berikut:

- Sejumlah \$20 juta untuk membiayai persediaan-persediaan Negara Brunei Darussalam untuk menjadi Pengerusi kepada Mesyuarat ASEAN pada tahun 2021;
- \$30 juta untuk membiayai Perkhidmatan Perubatan di JPMC;
- \$4.45 juta untuk memajukan Daerah Temburong;
- \$28 juta untuk pembayaran Elaun Pelajaran, termasuklah \$10 juta untuk membiayai Elaun Pelajaran kepada mereka yang mengikuti pendidikan tertiar di negara ini;
- \$15 juta untuk Menangani Bencana Alam dan Wabak Penyakit;
- \$4.87 juta untuk Mendatangkan Tenaga Pakar dan Pengajar Mahir bagi Literasi dan Numerasi; dan
- \$34.5 juta untuk membiayai projek-projek khas Kementerian-Kementerian yang telah dibenarkan.

2.3. Manakala, di bawah kategori **Perbelanjaan Kemajuan** pula, peruntukan sebanyak **lapan puluh sembilan juta, tiga ratus lapan puluh enam ribu dan tujuh puluh ringgit** (\$89,386,070) dengan **Harga Rancangan** sejumlah **Lima ratus lima belas juta, empat ratus tiga puluh lima ribu, lima ratus ringgit** (\$515,435,500) antarlainnya untuk membiayai Projek Penubuhan Bursa Saham Negara Brunei Darussalam, Projek Pembangunan Teluk Brunei (Pulau Muara Besar) dan Banci dan Kajian Sosio-Ekonomi.

Yang Berhormat Pengerusi,

3. Dengan peruntukan yang disediakan ini, Kementerian Kewangan dan Ekonomi akan terus bekerjasama dengan Kementerian-Kementerian dan agensi-agensi yang berkenaan ke arah meningkatkan lagi tahap produktiviti serta pemberian perkhidmatan yang berkualiti kepada orang ramai. Ini termasuklah untuk memastikan keberkesanan kutipan hasil-hasil Kerajaan; serta menggalakkan pertumbuhan ekonomi melalui pelaburan langsung asing, perkembangan industri dan perdagangan di dalam dan luar negara.

4. Memandangkan Kaola telah menerangkan secara terperinci semasa pembentangan Belanjawan Negara bagi Tahun Kewangan 2020/2021 tempoh hari, Kaola hanya akan mengongsikan secara ringkas sahaja inisiatif-inisiatif Kementerian ini antaranya meneruskan *Fiscal Consolidation Program*; Meneliti kesesuaian untuk pengurusan fasiliti (*facility management*) secara *outsourced* atau PPP; Menyediakan *Economic Blueprint* dan *Industry Roadmap*; Meneroka dan menggalakkan peluang-peluang dan aktiviti pelaburan dengan menarik pelaburan-pelaburan langsung asing yang berkualiti bagi mempercepatkan lagi usaha pembangunan sektor swasta di Negara ini sekaligus dapat menjana peluang pekerjaan; Mempertingkatkan kapasiti dan kemahiran sumber tenaga manusia pegawai dan kakitangan di Kementerian Kewangan dan Ekonomi dan Jabatan-Jabatan di dalamnya melalui pelaksanaan program pembangunan kapasiti yang berstruktur dan berterusan; dan mengadaptasi Revolusi Perindustrian Keempat (*Industrial Revolution 4.0*) dan Ekonomi Digital dengan melaksanakan beberapa projek antaranya seperti *Centralised Business and Finance Database*; *Sistem Kebajikan Negara (SKN)*; *One Common Billing System (OCBS)*; *Treasury Accounting and Financial Information Systems II* atau TAFIS Two; pengintegrasian TAFIS II dengan *Government Human Resource Management System* atau GHRMS (*untuk menggantikan sistem Government Employee Management System (GEMS)*), menaiktaraf *Brunei Darussalam National Single Window (BDNSW Two)*; *Vehicle Exit Entry System (VES)*; penyediaan *Electronic Certificate of Origin (eCOO)* melalui

ASEAN Single Window; dan *E-General Data Dissemination System* untuk penyebaran perangkaan melalui *online*.

Yang Berhormat Pengerusi,

5. Sekianlah yang dapat kaola kongsi sebagai makluman dan panduan Ahli-Ahli Yang Berhormat. Kaola percaya dengan kerjasama dan sokongan semua pihak, hasrat Kementerian Kewangan dan Ekonomi ke arah memastikan kedayatahan serta kestabilan fiskal, dan kepelbagaian ekonomi akan dapat dicapai.
6. Sebelum kaola menutup, sepertimana jua yang lazimnya dibuat pada tahun-tahun yang lalu, kaola memohon izin bagi Peruntukan Pejabat Penerbangan Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam, atau HMSF yang disifatkan sebagai Jabatan yang tertutup untuk tidak dibincangkan.

Sekian Yang Berhormat Pengerusi.